

Kommunimut pilersaarummut tapiliussap 3E5-3-p, Nuuk Airport, inaarutaasumik akuersissutigineqarnera

Aalajangiiffigisassaq

J.nr.: 16.03.01.01-P16-4-19

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Kommunimut pilersaarummut tapiliussaq sapaatip-akunnerini arfinilinni tamanut tusarniaassutigineqareerpoq, tassungalu atatillugu ataatsimik tusarniaanermut akissuteqartoqarpoq, taannalu oqaaseqatigiinnik annikitsunik allannguuteqartitsinermik kinguneqarpoq. Ilanngussaq 1-imi taakku itisilerneqarput.

Kommunimut pilersaarummut tapiliussassatut siunnersuut Nuuk Airport suliarineqarpoq Nuummi mittarfiup allineqarnissaanut atatillugu pilersaarutit pioreersut, kingullermillu Atlantiku qulaallugu timmisartunut mittarfissap illutassai pillugit pilersaarutit tunngavigalugit suliarineqarluni.

Pilersaarummut tapiliussami sanaartorfissat atugassiissutigineqarput, tamaani sananeqarsinnaanngorlugit timmisartoqarfiup illutassaa, sullissiveqarfik, timmisartunut inissiisarfik allallu illussanik titartaasartunik unammisitsinermi naammassereersumi ajugaasut COWI ZESO Architects suleqatigalugit titartagaat tunngavigalugit.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussaq 3E5-3, Nuuk Airport, pillugu siunnersuut akuerineqassasoq
- siunnersuut Aningaasaqarnermut Inuussutissarsiornermullu Ataatsimiititamut aalajangiiffigisassatut ingerlateqqinneqassasoq
- tamatumalu kingornatigut Aningaasaqarnermut Inuussutissarsiornermullu Ataatsimiititap suliaq Kommunalbestyrelsimut inaarutaasumik akuersissutigisassanngorlugu ingerlateqqissagaa.

Suliassamik saqqummiussineq

Kommunimut pilersaarummut tapiliussassatut siunnersuut Nuuk Airport suliarineqarpoq Nuummi mittarfiup allineqarnissaanut atatillugu pilersaarutit pioreersut, kingullermillu Atlantiku qulaallugu timmisartunut mittarfissap illutassai pillugit pilersaarutit tunngavigalugit suliarineqarluni.

Pilersaarummut tapiliussassatut siunnersuummi matumani sanaartorfissat immikkoortinneqarput, tamaani sananeqarsinnaanngorlugit timmisartoqarfiup illutassaa, sullissiveqarfik, timmisartunut inissiisarfik allallu illussanik titartaasartunik unammisitsinermi naammassereersumi ajugaasut COWI ZESO Architects suleqatigalugit titartagaat tunngavigalugit. Immikkoortup ilaani B-mi aamma E-mi takutinneqartutut sanaartorfissat atugassiissutigineqassapput. Immikkoortup ilaa B siusinnerusukkut timmisartoqarfiup illutassaanik, hangarimik, sannavimmik aammalu timmisartoqarfimmi sullissiveqarfinnik allanik sananissamut atugassiissutigineqarput. Immikkoortup

ilaa E imeqarfiliassamut atugassiissutigineqarpoq attaveqaatit tassunga atasut ilanngullugit. Siunertat taakkua pilersaarutitut siunnersuummi matumani aalajangiusimaneqarput.

Kommunimut pilersaarummut tapiliusseq sapaatip-akunnerini arfinilinni tamanut tusarniaassutigineqareerpoq, tassungalu atatillugu ataatsimik tusarniaanermut akissuteqartoqarpoq, taannalu oqaaseqatigiinnik annikitsunik allannguuteqartitsinermik kinguneqarpoq. Ilanngusseq 1-imi taakku itisilerneqarput.

Aaqqiissutissatut siunnersuut – suliatiqut naliliineq

Ingerlatsiviup nalilerpaa, pilersaarummut tapiliusseq timmisartoqarfiup allineqarnissaanut ineriartortitsinissamut pitsaasumik tapersiisoq. Taamaasilluni timmisartoqarfiup illutaani, sullissivimmi, hangarini taakkulu biilnut unittarfissaannik il.il. sanasoqarnissaa. Ingerlatsiviup nalilerpaa taamatut ineriartortitsineq Nuup illoqarfiata ineriartortinneqarnissaanut iluaqutaajumaartoq.

Aamma taamaappoq immikkoortup ilaani E-mi imeqarfiliassatut pilersaarummi, Nuummi kissarneqqortuunnguamiittup matuneqarnissaa periarfissaalissalluni, taamaasillunilu illoqarfimmi inissialiorfissat amerlisinneqassallutik.

Aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq aningaasaqarnikkut kinguneqassanngilaq.

Inatsisitigut tunngavissaq allakkallu tunngaviusumik uppersaatitalit

Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq aamma

Inatsisartut inatsisissaat nr. 34, 9. december 2015-imeersoq

Kommunimut pilersaarut digitaliusoq www.sermersooq2028.gl

Ingerlariaqqinnissaq

Kommunimut pilersaarummut tapiliussap inaarutaasumik akuersissutigineqareernerata kingorna, malittarisassallu taaneqartut malillugit pilersaarut malillugu sumiiffik ineriartortinneqassaaq.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Kommunimut pilersaarummut tapiliusseq sap.ak. arfinilinni tamanut tusarniutigineqareerpoq, tamannalu Nuuk Ugeavisimi aamma kommunip nittartakkakkut tusarniaaviani nalunaarutigineqarnikuuvoq.

Piffissami tusarniaaffiusumi tusarniaanermut akissut ataaseq tiguneqarpoq, taannalu oqaaseqatigiinnik annikitsunik allannguuteqartitsinermik kinguneqarpoq.

Kommunimut pilersaarummut tapiliusseq inaarutaasooq tamanut saqqummiunneqassaaq kommunimut pilersaarummut tapiliussami nittartakkami www.sermersooq2028.gl

Ingerlatsivinnit allaniit oqaaseqaatigineqartut

Soqanngilaq

Siusinnerusukkut aalajangernerit:

Sanarfinermut Avatangiisinullu Ataatsimiititap ulloq 23. septembari 2019-imi aalajangernera:
Inassuteqaat akuerineqarpoq

Aningaasaqarnermut Inuussutissarsiornermullu Ataatsimiititap aalajangernera 25. septembari 2019-imeersoq:

Inassuteqaat akuerineqarpoq

Kommunalbestyrelsip aalajangernera 10. oktobari 2019-imeersoq:

Inassuteqaat akuerineqarpoq

Ilanngussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Kommunimut pilersaarummut tapiliussaq 3E5-3, Nuuk Airport